

“Analiza visine komunalnih naknada u BiH”

(fokus na općine Prijedor, Modriča, Mostar, Bihać i Žepče)

31.12.2013., Tuzla

Sadržaj

Uvod.....	3
1. METODOLOGIJA ISTRAŽIVANJA	3
1.1. Problem istraživanja.....	3
1.2. Predmet istraživanja	3
1.3. Osnovni cilj istraživanja i operativni ciljevi istraživanja	3
1.4. Istraživačka metoda i instrument	4
1.5. Uzorak	5
1.6. Analiza podataka.....	5
2. REZULTATI ISTRAŽIVANJA	6
2.1. Pojam i vrste komunalnih djelatnosti	6
2.2. Naplata komunalnih djelatnosti.....	7
2.3. Komunalne naknade i komunalne takse - razlika.....	7
2.4. Akti koji regulišu oblast komunalnih djelatnosti i naknada u BiH.....	7
2.5. Komparativna analiza visine komunalnih naknada u općinama: Prijedor, Modriča, Mostar, Bihac, Žepče	8
2.5.1. Vrste komunalnih usluga koje se naplaćuju obrtima/zanatima i MSPima	8
2.5.2. Iznosi komunalnih naknada	10
2.5.3. Rokovi plaćanja komunalnih naknada	19
2.5.4. Naplata komunalnih naknada prema vrsti djelatnosti.....	20
2.5.5. Oslobođanje od plaćanja komunalnih naknada	21
2.5.6. Poticajne mjere iz oblasti komunalne politike	22
2.5.7. Zahtjevi poduzetnika za smanjenjem visine komunalnih naknada.....	22
Zaključci i preporuke	24
Prilozi.....	27

Uvod

Ovaj dokument predstavlja rezultat jednog od zadataka Centra za razvoj poduzetništva, koji je od strane Udruženja za poduzetništvo i posao LINK angažovan kao konsultant na izradi „Analize visine komunalnih naknada u BiH“, u okviru projekta „Koalicija za jači glas male privrede“. Zadatkom je predviđeno kreiranje nacrtu „Analize visine komunalnih naknada u BiH“ sa fokusom na općine Prijedor, Modriča, Mostar, Bihać, Žepče, na temelju podataka dobivenih istraživanjem provedenom po metodologiji, ranije kreiranoj od strane Centra za razvoja poduzetništva.

1. METODOLOGIJA ISTRAŽIVANJA

Metodologija obuhvata sljedeće dijelove: problem istraživanja, predmet istraživanja, osnovni i operativni ciljevi istraživanja, istraživačka metoda i instrument, uzorak i analiza podataka.

1.1. Problem istraživanja

Opće je poznato da mala i srednja preduzeća značajno doprinose ekonomskom i društvenom razvoju zemlje. Međutim mala i srednja preduzeća posluju u određenom okruženju, koje generalno govoreći predstavlja set političkih, pravnih, ekonomskih, društvenih, tehnoloških i ekoloških faktora u okviru jedne privrede koji utječu na njihovo funkcionisanje. Od države se očekuje da prepozna važnost malih i srednjih preduzeća za privredu i opći napredak, te uvažavajući njihove specifične potrebe kreira odgovarajuće uslove poslovnog okruženja koji će doprinijeti njihovom opstanku, ali i podržati njihove rastuće poslovne rezultate. Jedna od politika koju je moguće razmotriti u ovom kontekstu jeste politika komunalnih naknada koja se provodi u skladu sa određenim zakonima, pravilnicima, propisima i odlukama. Poput fizičkih lica i pravna lica su dužna plaćati određene komunalne naknade, te su time zahvaćena spomenutim komunalnim politikama.

Zbog svega navedenog, postavlja se sljedeće istraživačko pitanje: *Da li je prilagođavanjem postojećih visina komunalnih naknada realnim mogućnostima obrta/zanata, malih i srednjih preduzeća, moguće unaprijediti poslovno okruženje u kojem se ona nalaze i u konačnici doprinijeti poboljšanju njihovih poslovnih rezultata?*

1.2. Predmet istraživanja

Predmet istraživanja predstavljaju komunalne naknade koje su propisane za obrte, mala i srednja preduzeća u općinama Prijedor, Modriča, Mostar, Bihać, Žepče.

1.3. Osnovni cilj istraživanja i operativni ciljevi istraživanja

Osnovni cilj istraživanja je analizirati visine komunalnih naknada za obrte/zanate i mala i srednja preduzeća u općinama Prijedor, Modriča, Mostar, Bihać, Žepče, kako bi se utvrdio njihov utjecaj na poslovno okruženje obrta/zanata, malih i srednjih preduzeća u Bosni i Hercegovini.